

Izveštaj o radu MUP-a Kantona Sarajevo za period januar-septembar 2015.godine

KRIMINALITET

Kriminalitet na području Kantona Sarajevo u periodu januar – septembar 2015. godine u odnosu na isti period prethodne godine, posmatrano kroz statističke pokazatelje, karakteriše smanjenje broja registrovanih krivičnih djela za 9,4%, prijavljenih lica za 5,2%, maloljetnih izvršilaca za 49,1% i povratnika u činjenju krivičnih djela za 1,1%, dok je broj lica lišenih slobode povećan za 4,2%. U izvještajnom periodu ukupna rasvijetljenost krivičnih djela povećana je za 0,9%.

STATISTIČKI PRIKAZ KRIMINALITETA

U periodu januar – septembar 2015. godine, registrovano je 4.125 krivičnih djela, što je za 426 djela ili 9,4% manje nego u periodu januar – septembar 2014.godine.

U 1.334 slučaja (32,3% od ukupnog broja krivičnih djela), krivična djela su izvršena od strane poznatih izvršilaca i izvršilaca zatečenih u činjenju krivičnog djela, a 2.791-no krivično djelo (ili 67,7%), prijavljeno je po nepoznatom izvršiocu, od kojih je 1.328 naknadno rasvijetljeno (ili 47,6% od ukupnog broja prijavljenih djela po nepoznatom izvršiocu).

Tokom izvještajnog perioda ukupno su rasvijetljena 2.662 krivična djela ili 64,5% što je za 0,9% više u odnosu na uporedni period.

Za izvršenje navedenih djela prijavljeno je 2.065 lica, od kojih je 1.411 povratnika u činjenju krivičnih djela (ili 68,3% prijavljenih), 55 maloljetnika, a 1.013 lica je lišeno slobode (ili 49%). U odnosu na uporedni period manji je broj prijavljenih lica za 114 (ili 5,2%), maloljetnika za 53 (ili 49,1%), povratnika za 15 (ili 1,1%) dok je povećan broj lica lišenih slobode za 41 (ili 4,2%).

Uporedni pokazatelji stanja kriminaliteta na području Kantona Sarajevo u periodu januar – septembar 2015./2014. godine prema glavama Krivičnog zakona FBiH-a i BiH-a

KRIVIČNA DJELA	januar-septem. 2015.	jan.-sept. 2014.	uporedba br.KD		"rasvijetljenost" jan.-sept. 2015.	
			+ / -	%	br.KD	%
Protiv ustavnog poretka Federacije	1	0	1	---	0	0%
Protiv života i tijela	113	131	-18	-13,7%	106	93,8%
Protiv slobode i prava čovjeka i građanina	101	133	-32	-24,1%	100	99%
Protiv spolne slobode i morala	22	14	8	57,1%	21	95,5%
Protiv braka, porodice i mladeži	196	230	-34	-14,8%	196	100%
Protiv zdravlja ljudi	239	226	13	5,8%	239	100%
Protiv privrede, poslovanja i sigurnosti pla.	8	8	0	isto	8	100%
Protiv imovine	2952	3348	-396	-11,8%	1546	52,4%
Protiv okoliša	4	4	0	isto	3	75%
Protiv opće sigurnosti ljudi i imovine	131	82	49	59,8%	74	56,5%
Protiv sigurnosti javnog prometa	66	42	24	57,1%	64	97%
Protiv pravosuđa	29	19	10	52,6%	44	151,7% ¹

Protiv javnog reda i pravnog prometa	179	235	-56	-23,8%	177	98,9%
Protiv podmić. i kd protiv sl. i druge odgo..	9	6	3	50,0%	9	100%
Protiv sistema elektronske obrade podataka	1	0	1	---	1	100%
Protiv privrede i jedin. tržišta te...(KZBiH)	2	5	-3	-60,0%	2	100%
ZONDINOM-a (Sl.novine KS br.38/07)	72	68	4	5,9%	72	100%
UKUPNO	4125	4551	-426	-9,4%	2662	64,5%

KRIVIČNA DJELA PROTIV ŽIVOTA I TIJELA

U periodu januar – septembar 2015. godine prijavljeno je 113 krivičnih djela protiv života i tijela (18 manje u odnosu na januar - septembar 2014.godine).

Zbog postojanja osnova sumnje da su počinili djela iz ove oblasti podneseni su službeni izvještaji protiv 139 lica (tri manje), od kojih je 85 povratnika ili 61,2% (14 više), a 61-no je lišeno slobode (12 više).

Evidentirana su slijedeća krivična djela: - ubistvo iz člana 166. KZFBiH-a – četiri djela (jedno manje), ubistvo u pokušaju – pet (četiri manje), teška tjelesna ozljeda – 51 (25 manje), lahka tjelesna ozljeda – 47 (11 više), učestvovanja u tuči – četiri (jedno manje), ubistvo u saučiniteljstvu i podstrekavanju i teška tjelesna ozljeda u pomaganju - po jedno djelo (nije bilo ovih djela u uporednom periodu).

Krivična djela **ubistva su** izvršeno upotrebom vatrenog oružja - pištolja - tri puta i upotrebom noža - jednom.

Krivična djela **ubistvo u pokušaju** izvršena su upotrebom vatrenog oružja - pištolja (četiri puta) i namjernim udaranjem putničkim-motornim vozilom.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 101-no djelo (32 manje) i to: - ugrožavanje sigurnosti – 95, protupravno lišenje slobode - četiri, neovlašćeno prisluškivanje i zvučno snimanje i neovlašćeno optičko snimanje – po jedno djelo, a zbog izvršenja navedenih djela prijavljena su 107 lica od kojih je 75 povratnika u činjenju krivičnih djela (ili 70,1%), a 40 je lišeno slobode.

Sva djela ugrožavanja sigurnosti počinjena su upućivanjem verbalnih prijetnji, pisanih - prijetećih poruka i sl., bez težih posljedica po oštećena lica.

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala evidentirana su 22 djela (osam više) i to: bludne radnje - 11 djela, silovanje - četiri, prinuda na spolni odnošaj, iskorištavanje djeteta ili maloljetnika radi pornografije i upoznavanje djeteta s pornografijom – po dva i spolni odnošaj s djetetom - jedno djelo.

Zbog postojanja osnova sumnje da su počinili djela iz ove oblasti podneseni su službeni izvještaji protiv 24 lica, a 13 je lišeno slobode.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 196 krivičnih djela (34 manje) i to: nasilje u porodici - 192, izbjegavanje izdržavanja - tri i oduzimanje djeteta ili maloljetnika - jedno djelo. Službeni

izvještaji podneseni su protiv 193 lica od kojih je 108 povratnika ili 56%, a 122 su lišena slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 257 lica (29 više), od kojih je 161 povratnik (ili 62,6%), a zbog postojanja osnova sumnje da su počinili 239 krivičnih djela (13 više) i to:

- neovlašćena proizvodnja i stavljanje u promet opojnih droga – 41 djela (pet manje)
- posjedovanje i omogućavanje uživanja opojnih droga – 198 djela (19 više).

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv ukupno 54 lica zbog postojanja osnova sumnje da su u proteklom periodu neovlašćeno proizvodili, zatim kupovali opojnu ("Marihuanu", „Amfetamin“, „Heroin“, itd.) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 203 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

Zbog zloupotrebe opojnih droga 168 lica je lišeno slobode (51 više).

U ovom periodu podneseno je 90 zahtjeva za vještačenje NN materije koja asocira na drogu po naređenju nadležnih tužilaca Kantonalnog tužilaštva Kantona Sarajevo (15 manje). Takođe s ciljem pronalazjenja narkotičkih sredstava izvršen je pregled 118 lica (12 više), 49 stambenih objekata (tri manje) i većeg broja automobila po usmenim naredbama Opštinskog suda u Sarajevu.

Pregled oduzete opojne droge

VRSTA OPOJNE DROGE	JANUAR-SEPTEMBAR 2015. GODINE	JANUAR-SEPTEMBAR 2014. GODINE
Marihuana (u gramima)	19.091,82	9.541,41
Marihuana (paketići)	405	125
Marihuana (JOINT–cigarete, kom.)	2	16
Hašiš (paketići)	---	2
Heroin (paketići)	28	6
Heroin (u gramima)	419	50,83
Cannabis sativa (stabljike)	36	98
Cannabis sativa (sjeme)	---	1080
Kokain (paketići)	---	1
Amfetamin (u gramima)	1577	13.683,00
Amfetamin (paketići)	89	74
Morapid (tablete)	---	37
Suboxon (tablete)	49	1
Kapanol (tablete)	---	8
Metadon - solucija	3 bočice	---
Ecstasy - tablete	138	---
Pribor sa ostacima droge	49	67

U izvještajnom periodu pripadnici Uprave policije sproveli su niz efikasnih akcija na presijecanju "lanaca" trgovine opojnim drogama, što je rezultiralo zaplijenom većih količina droga i to u mjesecu aprilu opojne droge „Marihuane“ - preko 14,6 kg.

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ registrovano je osam krivičnih djela (isti broj) i to: obmana pri dobijanju kredita i drugih pogodnosti - pet, prijevara u privrednom poslovanju - dva i zloupotreba ovlasti u privrednom poslovanju - jedno djelo za čije je izvršenje je prijavljeno osam lica.

Takođe, od strane službenika Odjeljena za privredni kriminal tokom prvih devet mjeseci 2015. godine, zadokumentovana su i krivična djela koja su u vezi sa „privrednim kriminalom“, a svrstana su u druge Glave KZFBiH-a i KZ BiH-a i to:

- krivotvorenje isprave - šest djela, zloupotreba položaja ili ovlašćenja i pronevjera u službi – po četiri djela, prijevara - tri, posebni slučajevi krivotvorenja isprave, ovjeravanje neistinitog sadržaja i krivotvorenje novca – po dva, krivotvorenje službene isprave, neovlašten pristup sistemu i mreži elektronske obrade podataka i prijevara povjerioca - po jedno djelo, a koja su prijavljena u periodu januar -septembar 2015.godine, nastupila je materijalna šteta u ukupnom iznosu od 457.525,53 KM.

KRIVIČNA DJELA PROTIV IMOVINE

U oblasti krivičnih djela protiv imovine registrovana su 2.952 krivična djela što je za 396 ili 11,8% manje u odnosu na uporedni period.

Najbrojnija djela iz ove oblasti su: teške krađe – 1.770 (188 manje), krađe – 443 (109 manje), razbojništva – 387 (39 manje), oštećenje tuđe stvari – 123 (28 manje), prijevara – 35 (55 manje), teška krađa u pokušaju – 61 (četiri više), utaja – 48 (14 više), prikriivanje – 26 (tri više), razbojnička krađa – pet (dva manje), itd.

Zbog izvršenja navedenih djela prijavljeno je 849 lica od kojih su 682 povratnika u činjenju krivičnih djela (ili 80,3%), a 381-no je lišeno slobode.

Za ukupno 1.546 djela ili 52,4% identifikovani su osumnjičeni izvršioc, što je u odnosu na isti period prethodne godine, povećanje za 0,2%.

Objekti napada pri vršenju krivičnih djela protiv imovine najčešće su bila motorna vozila (otuđenja motornih vozila i "provale" u ista) - 779 (33 manje), stambeni objekti – 523 puta (149 manje), prodavnice i drugi poslovni prostori 382 (40 više), na ulici 73 (26 manje), itd., pri čemu su otuđivana motorna vozila, novac, nakit, tehnička roba, prehrambeni proizvodi, cigarete, građevinski materijal, alati, željezni profili, itd.

U prvih devet mjeseci ove godine na području Kantona Sarajevo izvršeno je 570 krivičnih djela teških krađa motornih vozila, od čega je 151-no ili 26,5% vraćeno (od strane policije MUP Kantona Sarajevo vraćena su 53 vozila, MUP-a RS-a – 29, drugih MUP-ova – osam, uz novčanu nadoknadu – četiri i 57 vozila vlasnici su sami pronašli).

U odnosu na uporedni period broj otuđenih vozila, smanjen je za 37 ili 6,1%.

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 40 lica (šest više) od kojih je 35 povratnika (ili 87,5%).

U mjesecu januaru ove godine službenici Uprave policije MUP-a KS lišili su slobode i nadležnom tužilaštvu podnijeli službene izvještaje protiv ukupno sedam lica zbog postojanja osnova sumnje da su kao članovi grupe ljudi udruženih sa ciljem činjena krivičnih djela, zajedničkim djelovanjem vršili otuđenja motornih vozila u Kantonu Sarajevo, te iznudu novca za povrat istih, čime bi počinili krivično djelo iz člana 342. KZ FBiH – Organizirani kriminal.

Na području Kantona Sarajevo u periodu januar – septembar ove godine registrovano je 387 djela razbojništva (39 manje).

Razbojništva su počinjena u prodavnicama i drugim poslovnim prostorima - 166 puta (39 manje), u sportskim kladionicama – 91 (10 manje), na ulici – 108 (16 više), itd.

Navedena djela izvršena su prijetnjom upotrebe vatrenog oružja – 180 puta (44 manje), prijetnjom i upotrebom noža ili drugog oštrog predmeta (komad stakla, šrafciğer i sl.) – 125 (šest više) i upotrebom fizičke snage – 82 puta (jedno manje).

Otuđivan je novac, mobiteli, zlatni nakit, itd.

Ukupno je rasvijetljeno 207 ovih djela ili 53,5% što je za 9,6% veća rasvijetljenost ovih djela u odnosu na isti period 2014. godine.

Broj teških krađa na naročito opasan ili naročito drzak način u periodu januar-septembar 2015. godine u odnosu na uporedni period povećan je za 38 ili 38%. Naime, evidentirano je 138 ovih djela u kojima su izvršioc, upotrebom fizičke snage – 98 puta, te verbalnom prijetnjom u 40 slučaj, otimali mobitele, nakit i novac.

Za izvršenje ovih oblika teških krađa, prijavljeno je 49 lica, od kojih je 40 povratnika (ili 81,6%), a 28 je lišeno slobode. Ukupno su rasvijetljena 92 djela ili 66,7% (21,3% manje u odnosu na uporedni period).

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 131-no djelo (49 više) i to: izazivanje opće opasnosti – 113 djela, teška krivična djela protiv opće sigurnosti ljudi i imovine - pet, nesavjesno čuvanje pasa i drugih opasnih životinja i uništenje ili oštećenje važnih privrednih objekata ili javnih naprava - po četiri, izazivanje opće opasnosti u pomaganju - dva, izazivanje opće opasnosti u pokušaju, izazivanje opće opasnosti u saučiniteljstvu i teška krivična djela protiv opće sigurnosti ljudi i imovine u saučiniteljstvu i podstrekavanju - po jedno djelo.

Krivična djela izazivanja opće opasnosti izvršena su 102 puta na otvorenom prostoru, šest u stambenom, četiri puta u ugostiteljskom objektu i jedno u pomoćnom objektu - šupi. U 43 slučaj, pucano je iz vatrenog oružja, 51 puta je otvorenim plamenom izazvan požar u 18 slučaj, aktivirana je nepoznata eksplozivna naprava i u jednom slučaju identifikovana su i procesuirana dva lica koja su putem telefona uputili lažnu dojavu o postavljenoj bombi. Posljedica izvršenja navedenih djela je ranjavanje šest i samoranjavanje dva lica te nastala materijalna šteta i uznemirenost građana.

Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 64 lica, od čega je 39 povratnika, a 38 je lišeno slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 179 krivičnih djela (56 manje) i to: nasilničko ponašanje - 90 djela, nedozvoljeno držanje oružja ili eksplozivnih materija – 38, krivotvorenje

isprave – 21, napad na službenu osobu u vršenju poslova sigurnosti – deset, sprečavanje službene osobe u vršenju službene radnje - devet, ovjeravanje neistinitog sadržaja – pet, itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 191-nog lica, od kojih je 135 povratnika ili 70,7%, a 66 je lišeno slobode.

KRIVIČNA DJELA POČINJENA OD STRANE MALOLJETNIH IZVRŠILACA

U periodu januar- septembar 2015. godine **prijavljeno je 55 maloljetnika** zbog postojanja osnova sumnje da su **izvršili 104 krivična djela**. U poređenju sa istim periodom 2014. godine, **broj krivičnih djela** za čije izvršenje su prijavljena maloljetna lica **smanjen je za 60 ili 36,6%, a broj prijavljenih maloljetnih učinilaca ovih djela smanjen je za 53 ili 96,4%.**

Pregled broja maloljetnih izvršilaca krivičnih djela za period januar-septembar 2015. godine, prema starosnoj strukturi

Starosna dob maloljetnika	do 14 god.	od 14 do 16 god.	od 16 do 18 god.	ukupno
Broj maloljetnih izvršilaca	7	25	23	55

Među maloljetnim učinocima krivičnih djela, najveći broj je u dobi do 16 godina (32), dok je povratnika u izvršenju krivičnih djela 18 (ili 32,7%).

Posmatrano po organizacionim jedinicama MUP-a Kantona Sarajevo i broju službenih izvještaja koji su podneseni nadležnom tužilaštvu protiv maloljetnih učinilaca krivičnih djela u proteklih devet mjeseci 2015. godine, može se konstatovati da su maloljetnici najveći broj krivičnih djela izvršili na području **općina Centar** (21 ili 20,2%), **Novo Sarajevo** (20 ili 19,2%), **Ilidža** (20 ili 19,2%) i **Novi Grad** (19 ili 18,3%).

Najbrojnija su krivična djela protiv imovine – 73 (ili 70,2%), pri čemu **prevladavaju razbojništva** (31 ili 29,8%) i teške krađe na naročito drzak i opasan način (17 ili 16,3%). U odnosu na isti period prošle godine, u proteklih devet mjeseci povećan je broj krivičnih djela **razbojništva** (za 72,2%) i **teških krađa na naročito drzak i opasan način** (za 13,3%), te **pokušaja razbojništva** (za 50%). Istovremeno, smanjen je broj krivičnih djela teških krađa (za 85,4%), krađa (za 18,2%), kao i ostalih djela iz ove oblasti.

Kada su u pitanju krivična djela protiv života i tijela, maloljetnici su prijavljeni za izvršenje pet krivičnih djela iz ove oblasti i to: nanošenje teške tjelesne povrede-tri, i nanošenje lahke tjelesne povrede-dva djela, što u odnosu na uporedni period predstavlja smanjenje broja krivičnih djela u ovoj oblasti za 12 ili 70,6%.

Međutim, pažnju zaslužuje podatak da su u proteklih devet mjeseci evidentirana četiri krivična djela protiv spolne slobode i morala (u istom periodu prošle godine jedno djelo) za čije izvršenje su prijavljena maloljetna lica. Takođe, povećan je i broj krivičnih djela nasilničkog ponašanja (za 100%).

U proteklom periodu znatno je smanjen broj krivičnih djela posjedovanja i omogućavanja uživanja opojnih droga (za 66,7%).

Pregled registrovanih krivičnih djela izvršenih od strane maloljetnih lica
za period januar- septembar 2015/2014. godine

Naziv krivičnog djela	jan.-sept. 2015.	jan.-sept. 2014.	+ - %
Ubistvo u pokušaju	0	1	-100,0
Teška tjelesna povreda	3	9	-66,7
Lahka tjelesna povreda	2	6	-66,7
Učestvovanje u tuči	0	1	-100,0
Ugrožavanje sigurnosti	1	1	0,0
Silovanje	1	1	0,0
Bludne radnje	1	0	
Prinuda na spolni odnošaj	1	0	
Iskorišćavanje djeteta ili maloljetnika radi pornografije	1	0	
Nasilje u porodici	5	7	-28,6
Posjedovanje i omogućavanje uživanja opojnih droga	5	15	-66,7
Krađa	9	11	-18,2
Krađa-pokušaj	1	0	
Teška krađa	6	41	-85,4
Teška krađa-pokušaj	0	4	-100,0
Teška krađa na naroč. opasan ili naročito drzak način	17	15	+13,3
Razbojništvo	31	18	+72,2
Razbojništvo- pokušaj	3	2	+50,0
Razbojništvo-pomaganje	0	2	-100,0
Utaja	2	0	
Oštećenje tuđe stvari	4	10	-60,0
Paljevina	0	2	-100,0
Izazivanje opće opasnosti	2	2	0,0
Nesavjesno čuvanje pasa i dr. opasnih životinja	1	0	
Učestvovanje u grupi ljudi koja učini krivično djelo	0	2	-100,0
Napad na sl. osobu u vršenju poslova sigurnosti	0	7	-100,0
Nasilničko ponašanje	6	3	+100,0
Nasilničko ponašanje-produženo krivično djelo	1	0	
Nedozvoljeno držanje oružja i eksp. materija	0	2	-100,0
Povreda mira pokojnika	1	1	0,0
ZONDINOM (čl. 52)	0	1	-100,0
ukupno	104	164	-36,6

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO - EKSPLOZIVNIH SREDSTAVA

U periodu januar-septembar 2015. godine na području Kantona Sarajevo registrovana su 22 slučaja aktiviranja minsko-eksplozivnih sredstava (dva više u odnosu na isti period 2014. godine). U jednom slučaju je aktiviranjem ručne bombe počinjeno samoubistvo, dok su svi ostali slučajevi imali obilježja krivičnog djela izazivanja opće opasnosti. Eksplozije su za posljedicu imale smrt jednog lica (samoubistvo), te materijalnu štetu na stambenim, ugostiteljskim i poslovnim objektima, kao i na putničkim vozilima. Za sada su u dva slučaja identifikovani učinioci i protiv njih su preduzete zakonske mjere. Najveći broj slučajeva aktiviranja minsko-eksplozivnih sredstava evidentiran je na području općine Stari Grad (pet).

Policijski službenici su u toku ove godine rasvijetlili slučaj aktiviranja eksplozivne naprave ispred ugostiteljskog objekta na području općine Novo Sarajevo koji se dogodio u julu 2014. godine, a protiv učinioca (P.I.-1986.) je podnesen službeni izvještaj nadležnom tužilaštvu zbog osnova sumnje da je počinio krivično djelo izazivanja opće opasnosti (čl. 323 KZ FBiH).

U proteklom periodu registrovana su i tri slučaja bacanja tzv. Molotovljevog koktela u ugostiteljski objekat i na dva stambena objekta, kojom prilikom je nastupila neznatna materijalna šteta.

Pored toga, evidentiran je i slučaj postavljanja ručne bombe na zaštitnoj ogradi prozora hotela Italia, općina Novo Sarajevo, koja je bila pričvršćena ljepljivom trakom, sa djelimično izvučenim osiguračem na kojem je bilo zakačeno uže. Policijski službenici su izvršili uviđaj i uklonili bombu, a u toku su aktivnosti na pronalaženju izvršioca/laca.

U proteklih devet mjeseci ove godine registrovano je sedam anonimnih dojava o postavljenim eksplozivnim napravama (u uporednom periodu osam). Identifikovani su izvršioc koji su uputili lažne dojave koje su se odnosile na avion Turkish Airlinesa (S.V.-1983.), te na Medicinski fakultet (B.F.-1994.) i protiv njih su preduzete zakonske mjere.

Rasvijetljen je i slučaj upućivanja lažne dojave o postavljenoj eksplozivnoj napravi u Gazihusrefbegovoj medresi, (oktobar 2014.), a protiv učinilaca (B.Z.- 1996. i D.H.-1996.) je podnesen službeni izvještaj nadležnom tužilaštvu zbog osnova sumnje da su počinili krivično djelo izazivanja opće opasnosti (čl. 323 KZ FBiH).

POŽARI

Tokom perioda januar-septembar 2015. godine, na području Kantona Sarajevo registrovan je 151 požar (30 više) u kojem je jedno lice poginulo, a jedno lice teško povrijeđeno.

Prema statističkim pokazateljima, 83 požara su izazvana namjerno, 23 zbog tehničkih nedostataka, devet nehatom, dok uzroci 36 požara spadaju u kategoriju ostalih.

SAMOUBISTVA

U prvih devet mjeseci 2015. godine na području Kantona Sarajevo registrovano je 21-no samoubistvo (četiri manje), koja su izvršena skokom sa visine – devet puta, vješanjem - pet, upotrebom vatrenog oružja – četiri, trovanjem tabletama – dva i aktiviranjem ručne bombe - jednom.

OSTALE AKTIVNOSTI

U periodu januar – septembar 2015. godine u sklopu operativnih aktivnosti pripadnici policije su izvršili utvrđivanje identiteta za 594 lica, izvršili pretres 842 lica, zatim 149 stanova i lišili slobode 73 lica za kojim je bila raspisana potjernica. Pruženo je 495 asistencija od kojih je 411 po zahtjevu državnih organa i 84 po zahtjevu organa i organizacija javnih ovlaštenja.

U cilju dokumentovanja određenih krivičnih djela, odnosno identifikacije njihovih izvršilaca, izvršen je 2.861 uviđaja, pronađeno i obrađeno 6.199 tragova, u 2.333 slučaja fotografisano je lice mjesta, 166 puta je skicirano lice mjesta, izvršeno 1.095 vještačenja, daktiloskopirano 218 lica, a po otiscima identifikovano 12 lica.

U okviru potražne djelatnosti raspisane su 123 potjernice od strane sudova Kantona Sarajevo, a 162 su obustavljene (iz izvješštajnog i ranijeg perioda). Takođe, zaprimljene su 74 prijave o nestalim licima, a 57 je obustavljeno.

U okviru depešnog saobraćaja predato je 21.849 depeša, primljene 40.063, zatim tranzitirano 5.746, dok je za područje RS-a i Granične policije faksom preneseno 447 depeše što ukupno iznosi 68.105 komada obrađenih i razmjenjenih depeša.

Za potrebe tužilaštva i drugih nadležnih organa izvršene su ukupno 27.752 provjere iz evidencija Ministarstva, na zahtjev stranaka izdato 3.651-no uvjerenje o njihovoj osuđivanosti ili neosuđivanosti, otvoreno 666 novih dosja i evidentirana 3.652 lica oštećenih činjenjem krivičnih djela.

Svakodnevno je ostvarivana saradnja sa sredstvima javnog informisanja u cilju blagovremenog i adekvatnog informisanja javnosti o pitanjima iz nadležnosti Uprave policije i Ministarstva.

Takođe, kontinuirano se pratila i analitički sagledavala sigurnosna problematika na području Kantona Sarajevo o čemu su redovno sačinjavane mjesečne i periodične informacije, kako za interno tako i za eksterno informisanje, te je ostvarivana saradnja sa naučnim institucijama u pogledu dostavljanja traženih podataka ili informacija za izradu seminarskih, magistarskih i drugih naučnih radova.

JAVNI RED I MIR

Policijjski službenici su u periodu januar-septembar 2015. godine, zbog raznih oblika narušavanja javnog reda i mira uručili/ podnijeli ukupno **4.740 prekršajnih naloga i zahtjeva** za pokretanje prekršajnog postupka (naloga – 3.791, zahtjeva – 949), što u odnosu na isti period 2014. godine predstavlja **povećanje za 639 ili 15,6%**. Prekršajne sankcije preduzete su **protiv 5.043 lica (602 ili 13,6% više)**.

Od ukupnog broja prekršajnih sankcija, 4.274 ili 85,5% odnosi se na prekršaje utvrđene Zakonom o prekršajima protiv javnog reda i mira, a 466 ili 14,5% na prekršaje utvrđene Odlukom općinskih vijeća o javnom redu i miru.

Najveći broj prekršajnih sankcija preduzeto je zbog prekršaja učinjenih prosjačenjem (2.534 ili 53,5%).

Na povratnike u izvršenju prekršaja odnosi se 800 ili 16,9% prekršajnih sankcija, 38 ili 0,8% na maloljetna lica i sedam ili 0,1% na strane državljanke.

S obzirom na starosnu strukturu lica protiv kojih su u proteklih devet mjeseci ove godine preduzete prekršajne sankcije (ukupno 5.043), najveći broj je onih starosne dobi preko 36 godina (2.658), zatim starosti između 26 i 35 godina (1.439) i između 19 i 25 godina (898), dok je maloljetnih učinilaca prekršaja bilo 48 i oni su javni red i mir narušavali uglavnom tučama i naročito drskim ponašanjem.

Prilikom narušavanja javnog reda i mira u periodu januar-septembar 2015. godine, u slučajevima kada se radilo o prekršajima, nije bilo teže povrijeđenih lica (u uporednom periodu četiri), dok je lakše povrijeđeno 227 lica (62 ili 21,5% manje).

Potrebno je istaći da se najveći broj prekršajnih sankcija koje su imali službenici policijskih stanica Centar i Stari Grad odnosi na prekršaje učinjene prosjačenjem (2.123 ili 73,4%), što je rezultat pojačanih aktivnosti na suzbijanju ovog oblika narušavanja

javnog reda i mira, koje je najizraženije na području ove dvije općine, posebno u vrijeme turističke sezone, vjerskih i drugih manifestacija.

U periodu januar-septembar 2015. godine, prema pokazateljima o prekršajima kojima se narušava javni red i mir, u odnosu na isti period 2014. godine,

Prema strukturi prekršaja iz oblasti javnog reda i mira, najbrojnija su **prosjačenja - 2.534** (ili 53,5% od ukupnog broja), zatim **tuče - 452** (ili 12%), **naročito drsko ponašanje - 422** (ili 9,6%) i odbijanje naređenja i omalovažavanje policijskih službenika - **303** (ili 6,7%). Znatno manje prekršaja učinjeno je svađom, vikom i nepristojnim ponašanjem-63; paljenjem petardi-14, uživanjem opojne droge na javnom mjestu – pet, te neovlaštenom upotrebom oružja –jedan prekršaj. Zbog svih ostalih prekršaja preduzeto je 480 prekršajnih sankcija.

Tabelarni pregled strukture prekršaja iz oblasti javnog reda i mira
za period januar-septembar 2015./ 2014.godina

STRUKTURA PREKRŠAJA	januar-septembar 2015.	januar-septembar 2014.	+ - %
UKUPNO NALOGA I ZAHTJEVA	4.740	4.101	+15,6
UKUPNO LICA	5.043	4.441	+13,6
Prekršaji iz Zakona o prekršajima protiv JRiM:	4.274	3.834	11,5
<i>-Tuče</i>	452	526	-14,1
<i>-Naročito drsko ponašanje</i>	422	477	-11,5
<i>-Odbijanje naređenja i omalov. policijskih služb.</i>	303	299	+1,3
<i>-Svađa, vika, nepristojno ponašanje</i>	63	66	-4,5
<i>-Uživanje opojne droge na javnom mjestu</i>	5	7	-28,6
<i>-Neovlaštena upotreba oružja</i>	1	2	-50,0
<i>-Paljenje petardi</i>	14	12	+16,7
<i>-Prosjačenje</i>	2.534	2.106	+20,3
<i>-Ostali prekršaji iz Zakona o prekrš. protiv JRiM</i>	480	339	+41,6
Prekršaji prema Odluci OV o JRiM	466	267	+74,5

U odnosu na isti period 2014. godine, povećan je broj prekršaja koji su učinjeni prosjačenjem, odbijanjem naređenja i omalovažavanjem policijskih službenika, paljenjem petardi, te ostalim vrstama prekršaja, a znatno je povećan i broj prekršaja koji su regulisani Odlukom općinskih vijeća o javnom redu i miru. U svim ostalim slučajevima došlo do smanjenja broja prekršaja.

Prema mjestu izvršenja, najveći broj prekršaja učinjen je na **ulici i na drugim otvorenim prostorima- 4.147 (ili 89,3%)**, a znatno manje u ugostiteljskim objektima-179 (ili 3,2%), na sportskim terenima- 20, u trgovinskim i zanatskim radnjama- 20, u školama- 13, u vozilima javnog saobraćaja- četiri i na ostalim mjestima- 357 prekršaja.

U odnosu na isti period 2014. godine, u proteklih devet mjeseci ove godine smanjen je broj prekršajnih sankcija zbog prekršaja kojima se narušava javni red i mir u vozilima javnog prevoza i u školama, dok je na svim ostalim mjestima došlo do povećanja tog broja.

Pored prekršajnih sankcija zbog prekršaja izvršenih u školama i školskim dvorištima, policijski službenici su u periodu januar-septembar 2015. godine zbog krivičnih djela

izvršenih na ovom lokalitetu, nadležnom tužilaštvu podnijeli 11 službenih izvještaja (dva manje u odnosu na isti period 2014. godine).

Policijski službenici su u proteklih devet mjeseci 2015. godine učestvovali u osiguranju 1.303 javna skupa koja su održana na području Kantona Sarajevo (421 manje u odnosu na isti period 2014. godine), a u 286 slučajeva izvršeno je KDZ osiguranje ovih skupova (27 manje).

Preduzimane su planske i organizovane aktivnosti kako bi svi skupovi, kao što su sportske, kulturne i druge manifestacije, protestna okupljanja građana, kao i skupovi kojima se obilježavaju događaji iz prošlosti, protekli bezbjedno.

Posebne i pojačane aktivnosti preduzimane su povodom posjete poglavara Vatikana pape Franje Sarajevu 06. juna 2015. godine. Službenici Uprave policije MUP-a Kantona Sarajevo postupali su po Operativnom planu provođenja mjera saobraćajnog, fizičkog, operativnog i KDZ osiguranja trasa kretanja i mjesta zadržavanja pape Franje prilikom njegove posjete BiH i Sarajevu. Osiguranje je proteklo bezbjedno, bez ijednog incidenta i na zadovoljavajućem nivou.

SAOBRAĆAJ

Tokom perioda januar-septembar 2015. godine, stanje sigurnosti saobraćaja karakteriše povećanje ukupnog broja saobraćajnih nezgoda, nezgoda sa materijalnom štetom i broja povrijeđenih lica, dok je smanjen broj nezgoda sa nastradalim licima i broj poginulih lica.

Registровано je 8.508 saobraćajnih nezgoda (555 ili 7 % više), 7.828 sa materijalnom štetom (556 ili 7,6 % više) i 680 sa nastradalim licima (jedna ili 0,1 % manje).

U saobraćajnim nezgodama na području Kantona Sarajevo 923 lica su nastradala (14 ili 1,5 % više). Dvanaest lica je poginulo (tri ili 20 % manje), dok je 911 lica povrijeđeno (17 ili 1,9 % više), 149 teže i 762 lakše.

Među poginulim licima evidentirano je šest vozača i šest pješaka.

Od ukupno 911 povrijeđenih lica, 402 su vozača (32 manje), putnika – 309 (15 više) i pješaka - 200 (34 više). Kada je u pitanju stepen povreda, 51 vozač je teže, a 351 lakše povrijeđen, 34 putnika su teže, a 275 lakše povrijeđeno, dok su 64 pješaka teže i 136 lakše povrijeđena.

U naselju su registrovane 8.072 saobraćajne nezgode (12 sa poginulim, 621 sa povrijeđenim licima i 7.439 sa materijalnom štetom), van naselja 436 nezgoda (47 sa povrijeđenim licima i 389 sa materijalnom štetom).

Registровано je 2.265 saobraćajnih nezgoda na raskrsnicama u naselju, 428 na raskrsnicama van naselja, 29 na pješačkom prelazu, 23 na nadvožnjaku, sedam na mostu, dvije u tunelu, dvije na prelazu preko željezničke pruge i 5.752 saobraćajne nezgode čije se karakteristike puta ubrajaju u kategoriju ostalih.

Usporedni pokazatelji saobraćajnih nezgoda i posljedica na području Kantona Sarajevo
januar-septembar 2015/2014 godine

	2015	2014	+, -, %
UKUPNO SAOBRAĆAJNIH NEZGODA	8.508	7.953	+ 555 ili 7 %
Saobraćajne nezgode sa nastradalim licima	680	681	- 1 ili 0,1 %

Saobraćajne nezgode sa materijalnom štetom	7.828	7.272	+ 556 ili 7,6 %
POGINULO LICA	12	15	- 3 ili 20 %
- vozači	6	5	+ 1 ili 20 %
- putnici	0	2	- 2
- pješaci	6	8	- 2 ili 25 %
POVRIJEĐENO LICA	911	894	+ 17 ili 1,9 %
- vozači	402	434	- 32 ili 7,4 %
- putnici	309	294	+ 15 ili 5,1 %
- pješaci	200	166	+ 34 ili 20,5 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 186 lica, od 25 do 30 godina – 130 lica, od 51 do 65 godina – 115 lica, od 21 do 24 godine – 113 lica, itd.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih – 7.082 (tri lica poginula, 496 lica povrijeđeno), neprilagođena brzina- 1.323 (sedam lica poginulo, 367 lica povrijeđeno), uticaj alkohola – 96 (jedno lice poginulo, 45 lica povrijeđeno), uticaj opojnih droga – četiri (jedno lice poginulo, tri lica povrijeđena), neispravan uređaj za kočenje, neispravan uređaj za upravljanje i neispravan pneumatik - po jedna saobraćajna nezgoda (bez nastradalih lica).

Evidentirano je 39 saobraćajnih nezgoda (16 manje) u kojima su učestvovali pripadnici MUP-a (38 nezgoda u kojima su učestvovali pripadnici MUP-a Kantona Sarajevo i jedna nezgoda u kojoj je učestvovao pripadnik FMUP-a). U navedenim saobraćajnim nezgodama nije bilo nastradalih lica. Takođe, evidentirana je jedna saobraćajna nezgoda u kojoj je učestvovao pripadnik Oružanih snaga BiH i jedna nezgoda sa pripadnikom SIPE (bez nastradalih lica).

Evidentirana je 351 saobraćajna nezgoda (81 više) u kojoj su učestvovali inostrani vozači i 27 saobraćajnih nezgoda (16 manje), u kojima su učestvovala vozila međunarodnih organizacija (bez nastradalih lica).

U sklopu redovnih aktivnosti, službenici policije su kontrolisali ukupno 184.705 vozila (49.019 više).

Zbog tehničke neispravnosti, iz saobraćaja je isključeno 590 vozila (294 više), 2.892 vozača su zatečena da upravljaju vozilom pod dejstvom alkohola (746 više), 4.712 bez korištenja sigurnosnog pojasa (2.149 manje), 2.139 bez položenog vozačkog ispita (200 više), a 1.788 vozača je učestvovalo u saobraćaju bez važeće registracije (263 više).

Zbog kršenja propisa iz oblasti sigurnosti saobraćaja uručen je 142.961 prekršajni nalog vozačima (43.110 više), podnesena 503 zahtjeva za pokretanje prekršajnog postupka (90 manje) i registrovano 66 krivičnih djela zbog ugrožavanja sigurnosti javnog prometa (24 više).

MIRUJUĆI SAOBRAĆAJ I KONTROLA PJEŠAKA

Tokom perioda januar – septembar 2015. godine, pripadnici Uprave policije su uručili 59.331 prekršajni nalog vozačima koji nisu poštivali saobraćajne propise prilikom parkiranja (23.535 više u odnosu na isti period prošle godine), upozorili 3.760 vozača

(443 manje), a specijalnim vozilom „pauk“ su premjestili 1.940 vozila (137 više). Zahtjeva za pokretanje prekršajnog postupka nije bilo.

URUČENI PREKRŠAJNI NALOZI ZA NEPROPISNO PARKIRANJE PO OPĆINAMA

Službenici Jedinice za saobraćaj uručili su 6.869 prekršajnih naloga vozačima. Takođe, pješacima koji su kršili propise uručeno je 845 prekršajnih naloga (479 više), a upozoren je 921 pješak (10 manje).

ZAKONITOST U RADU

Tokom perioda januar-septembar 2015. godine, registrovano je 10 napada na policijske službenike (28 manje). U napadima je učestvovalo 11 punoljetnih i nekoliko nepoznatih lica.

Službenici policije su tokom izvještajnog perioda 25 puta opravdano upotrijebili silu (13 manje):

fizičku snagu i sredstva za vezivanje – 21 put
vatreno oružje- četiri puta

Tokom perioda januar-septembar 2015. godine, razmatrano je 215 predstavljeni, među kojima je za 68 predstavljeni (isto kao u uporednom periodu) data saglasnost za sprovođenje unutrašnjih istraga, za 145 predstavljeni je donesen zaključak da su neosnovane, u jednom slučaju predstavljeni je proslijeđena na dalju nadležnost, dok je u jednom slučaju stranka odustala od žalbe.

Postupano je po 34 predstavljeni iz ranijeg perioda tako da su razmatrane ukupno 102 predstavljeni (17 više).

Okončane su 83 predstavljeni, među kojima je 24 bilo bez dovoljno dokaza, u 21 slučaju predstavljeni su obustavljene zbog zastare, u 19 slučajeva su neosnovane, u 11 slučajeva osnovane, u sedam slučajeva stranka je odustala od žalbe, dok je u jednom slučaju predstavljen oslobađajuća.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE I AKCIJE “ŽETVA 2015.”

U periodu januar – septembar 2015. godine evidentirana su 72 krivična djela koja su regulisana Zakonom o nabavljanju, držanju i nošenju oružja i municije (četiri više), počinjena od strane 76 izvršilaca, od kojih je 39 lišeno slobode.

Od strane Policijskih uprava fizičkim licima izdato je 788 odobrenja za nabavku vatrenog oružja (195 više) i 1.130 oružnih listova (381 više).

Takođe, u sklopu aktivnosti na oduzimanju nelegalno posjedovanog oružja i drugih predmeta oduzeto je: 70 pištolja, 23 puške, 22 "eksplozivne naprave i sredstva", 229 „noževa, mačeva, sablji i sl.“, 26 boksera, tri ručne bombe, 567 kom. petardi, 1.618 kom. municije različitog kalibra, itd.

U ovom periodu organizacione jedinice ovog Ministarstva, u saradnji sa štabovima Civilne zaštite, EUFOR-om i Oružanim snagama BiH, aktivno su učestvovala u

realizaciji akcije "ŽETVA 2015" s ciljem prikupljanja minsko-eksplozivnih sredstava, oružja, municije i druge vojne opreme.

U navedenoj akciji između ostalog prikupljeno je sljedeće naoružanje:

- ručne bombe – 73 komada,
- puške – četiri kom.,
- pištolji – osam kom.,
- mine, granate, trombloni i sl. – 22 kom.,
- municija raznog kalibra – 668 komada, itd.

6. RAD POLICIJE U ZAJEDNICI

U okviru Rada policije u zajednici u proteklih devet mjeseci 2015. godine obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

POSLOVI ADMINISTRACIJE

U okviru utvrđene organizacije Uprave, poslovi iz nadležnosti organizacionih jedinica vrše se u skladu sa Pravilnikom o unutrašnjoj organizaciji Ministarstva unutrašnjih poslova Kantona Sarajevo i utvrđenih radnih mjesta koja obavljaju državni službenici i namještenici.

INSPEKTORAT

U Inspektoratu za zaštitu od požara, nadzor nad agencijama za zaštitu ljudi i imovine i unutrašnjim zaštitarskim službama i nadzor nad primjenom propisa u oblasti matičnih knjiga, JMB-a, prebivališta, ličnih karata i putnih isprava u skladu sa donesenim godišnjim programima vršenja inspekcijaskog nadzora izvršeni sljedeći nadzori:

Od strane inspektora za nadzor nad primjenom propisa u oblasti matičnih knjiga, JMB-a, prebivališta, ličnih karata i putnih isprava izvršeno je 11 nadzora u matičnim uredima (matični ured Stari Grad, Centar, Novo Sarajevo, Novi Grad, Ilidža, Trnovo, Hadžići, Vogošća i Ilijaš) od čega u prvoj polovini 9, a od septembra su izvršena 2 inspekcijaska nadzora (matični ured Stari Grad i Centar).

U izvještajnom periodu je izvršeno 9 inspekcijaskih nadzora u Odjeljenjima za administraciju MUP-a Kantona Sarajevo, kao i u Odjeljenju putnih isprava u pogledu primjene propisa u oblasti JMB-a, ličnih karata i putnih isprava. Takođe, izvršeno je 9 vanrednih inspekcijaskih nadzora u skladu sa poglavljem IV Uputstva o načinu vođenja matičnih knjiga ("Službene novine Federacije BiH", broj 51/13,55/13,85/13), kao i u pogledu provođenja mjera zaštite u skladu sa Pravilnikom o tehničkoj zaštiti objekata i prostora za smještaj i čuvanje matičnih knjiga, spisa i matičnog registra ("Službene novine Federacije BiH", broj 68/12).

U navedenom periodu inspektori za nadzor nad primjenom propisa u oblasti matičnih knjiga, JMB-a, prebivališta, ličnih karata i putnih isprava prisustvovali su seminaru koji je organizovan od strane Federalnog ministarstva unutrašnjih poslova 2 (dva) dana.

Takođe, u saradnji sa odjeljenjem za edukaciju MUP-a KS, održan je okrugli sto na temu primjene propisa u oblasti matičnih knjiga .

Inspektori su uzeli učešća u radu u 1 (jednom) matičnom uredu koji je organizovao stručnu obuku matičara.

Inspektori su izvršili 2 (dva) inspeksijska nadzora u Centrima za socijalni rad i to:

-u Centru za socijalni rad općine Stari Grad

-u Centru za socijalni rad općine Centar

Održana su 4 konsultativna sastanka u matičnim uredima, te po potrebi davane instrukcije za postupanje kako u matičnim uredima, tako i u Centrima za socijalni rad. Inspektori su u izvještajnom periodu uzeli aktivno učešće u pogledu primjene zakonskih odredbi kojima je regulisana oblast prebivališta-boravišta građana Bosne i Hercegovine.

Doneseno je 1 rješenje o nalaganju mjera u općini Ilijaš, koje su u izvještajnom periodu realizovane.

Nad radom inspektora za nadzor u pogledu primjene propisa u oblasti matičnih knjiga, ličnih karata i putnih isprava izvršen je inspeksijski nadzor od strane federalnih inspektora, te na rad inspektora nije bilo primjedbi.

Shodno Pogramu vršenja inspeksijskog nadzora nad agencijama, mikrokreditnim organizacijama, kasinima i automat klubovima, mjenjačnicama i kladionicama, inspektori za nadzor nad radom agencija za zaštitu ljudi i imovine i unutrašnjim zaštitarskim službama su u periodu januar-septembar izvršili inspeksijski nadzor u 199 kladionica i to na području općine Hadžići, mjesto Tarčin i Pazarić, te na području Općine Ilidža i Novi Grad, Vogoša i Ilijaš.

Izvršen je inspeksijski nadzor u 8 (osam) mikrokreditnih organizacija, 1 (jednom) kasinu, 15 mjenjačnica, od čega 1 (jedan) kontrolni. U navedenom periodu od strane inspektora za nadzor nad agencijama za zaštitu ljudi i imovine i unutrašnjim zaštitarskim službama doneseno je 11 (jedanaest) rješenja o nalaganju mjera, te izdato 30 (trideset) prekršajnih naloga sa izrečenim novčanim kaznama u iznosu od 41.500, 00 KM, kao i 1 (jedan) zahtjev za pokretanje prekršajnog postupka sa izrečenom novčanom kaznom u iznosu 7.000 KM. Izvršena su 2 (dva) kontrolna inspeksijska nadzora, kao 1 inspeksijski nadzor nad radom Agencije za zaštitu ljudi i imovine.

U izvještajnom periodu inspektor za nadzor nad radom agencija i unutrašnjih službi kao ovlašteni predstavnik MUP-a KS na poziv Suda prisustvovao je na 1 zakazanom sudskim ročištu o odlučivanju po prekršajnim nalogima.

Inspektori za zaštitu od požara su izvještajnom periodu izvršili 238 inspeksijskih nadzora, od čega 122 redovna, 77 kontrolnih, 39 nadzora po zahtjevu stranke

Redovni inspeksijski nadzori su izvršeni u:

-26 benzinskih pumpi

-20 u objektima zapaljivih tečnosti i gasova

-44 u javnim administrativnim poslovnim objektima

-18 skladišta

-14 kotlovnica i dimovodnih objekata

Takođe, inspektori za zaštitu od požara su u navedenom periodu donijeli 91 rješenje, 6 zaključaka, 1 informaciju i 16 obavijesti.

Od strane inspektora je izdato 30 prekršajnih naloga sa izrečenim novčanim kaznama u iznosu od 62.960, 00 KM.

U izvještajnom periodu inspektori za zaštitu od požara kao ovlašteni predstavnici MUP-a KS na poziv Suda prisustvovali su na 7 zakazanih sudskih ročišta o odlučivanju po prekršajnim nalogima.

SEKTOR ZA ADMINISTRACIJU

Odjeljenje putnih isprava

U izvještajnom periodu ukupno je izdato 56069 pasoša.

Odjeljenja za administraciju

- Obrađeno **ličnih karata** 37363

- Obrađeno **vozačkih dozvola** 25369

- **obrađeno zahtjeva za registraciju vozila 155.215**

Sarajevo 29.10.2015.godine

**Odjeljenje za odnose sa javnošću
MUP-a Kantona Sarajevo**